

Dáiddamusea Dáiddakonserváhtora/Museajođiheadđji bargu:

### 1. Virggi mihtut

- RDM dáiddakonserváhtor gullá RDM bargovehkii. Dáiddakonserváhtor galgá hálldašit dáiddačoakkáldaga man RDM hálldaša, maid juogo vuodđudeaddjit eaiggáduššet, leat luoikkahuvvon dahje gullet Sámedikki sisaoastinortnegii.
- Dáiddakonserváhtor galgá barggadettiin čuovvut RDM doaibmi njuolggadusaid. Son čuovvu RDM strategiiadokumeanttaid, sisačoagginplánaid, museaplánaid ja eará dokumeanttaid mat leat RDM bargodokumeanttat.
- Dáiddakonserváhtor searvá RDM plánabargguide dego omd. gaskkustanplánat, museaplánat ja sisaoastinplánat.
- Dáiddakonserváhtor initiere dáiddaproševttaid ja dáiddadutkama.
- Prošeaktajođiheapmi.
- Gaskkusta sámi dáidaga, dáiddačájáhusaid ja doaimmaid maid RDM lágida.
- Dáiddakonserváhtoris lea ovddasvástáduš gaskkustit materiealla ja immateriealla materiála main lea dáiddahistorjjálaš árvu.
- Dáiddakonserváhtor galgá hukset ja doalahit dáiddafierpmádagaid main RDM lea oassin. Dáiddakonserváhtor galgá fierpmádatovttasbarggus, sihke báikkálaš, regiovna, riika ja internationála dásis, nannet sámi dáiddafága. Dáiddakonserváhtoris lea maid ovttasbargu eará hálldašanorgánaiguin gos juogada iežas máhtu sámi dáidaga birra.
- Dáiddakonserváhtora erenoamáš máhttu galgá bohtit ávkin RDM eará ossodagaide.

### 2. Sajádat organisašuvnnas

- Dáiddakonserváhtor lea direktvra vuollásaš, geas lea prokura. Direktvra lea delegeren ovddasvástádusa museajođiheadđjai.
- Dáiddaossodaga bušehtta ja ekonomalaš ovddasvástáduš lea dáiddakonserváhtoris.
- Dáiddamagasiidna ja dan beaivválaš jođiheapmi lea dáiddakonserváhtora ovddasvástáduš.
- Ovddasvástáduš das ahte dáidagat mat leat RDM hálldus, juogo luoikkahuvvon, deponerejuvvon dahje mat gullet vuodđudeddjiide, vurkkoduvvojit ja gieđahallojit rievttis ládje.
- Rievttis áigái buktit cealkámušaid bušehttii.
- Dáiddakonserváhtor raportere iežas ossodaga dili direktvrii.

### 3. Obbalaš barggut

- Hálldahussii buktit dokumeanttaid maid vuostáiváldá ja áššebáhpiriid. Dakkár dokumeanttaid maid ferte vurkkodit, juogo reivvet maid oazžu dahje sádde, šiehtadusaid ja eará.
- Lea dáiddakonserváhtora bargu dieđuid buktit dáiddamagasiinna birra RDM jahkeraportii.
- Bargat dáiddačájáhusaiguin RDM:s ja dáiddačájáhusaiguin maid RDM initiere.
- Čállit preassadieđáhusaid, annonsaid ja máinnašit RDM dáidagiid.
- RDM dáiddagulli áššiid gaskkustemiin bargat sosiála mediain.
- Ráhkadit sámi dáiddafágalaš artihkkaliid, čállagiid, katalogaid jna.
- Oahpistit gehččiid RDM dáiddačájáhusain.
- Dáiddakonserváhtorii sáhttet biddjot eará barggut.
- Dáiddakonserváhtoris lea čoakkáldathálldašeami ovddasvástáduš, ja galgá registreret dáhpáhusaid mat leat dáiddamagasiinnas ja maid RDM dáiddačoakkáldagain.
- Dáiddakonserváhtor čuovvu álo RDM doaibmi rutiinnaid. Rutiinnat mat gusket dáidagiid vuostáiváldimii ja sáddemii. Raporteremiid ja rutiinnaid mat gusket seailuheapmái ja konserveremii ja poastagieđahallamii.